



SIARAN MEDIA

Untuk Siaran Segera

12 pembentangan bincang pembiakan sawit di seminar antarabangsa ISOPB

KUALA LUMPUR, 10 Nov 2023 – 12 kertas kerja mengenai pembiakan sawit telah dibentangkan oleh pakar dan saintis terkenal dunia mengenai pembiakan dan pengeluaran sawit pada seminar antarabangsa *Elaeis oleifera* dan Interspecific Hybrid, di sini, Jumaat lalu.

Seminar anjuran bersama Lembaga Minyak Sawit Malaysia (MPOB) dan Persatuan Ahli-ahli Pembiak Baka Kelapa Sawit Antarabangsa (ISOPB) itu diadakan pada 10 November lalu sempena Kongres dan Pameran Minyak Sawit Antarabangsa (PIPOC) 2023 yang diadakan pada 7 hingga 9 November 2023 lepas.

Tema seminar, *Elaeis oleifera* dan Interspecific Hybrid mencerminkan perbincangan mendalam tentang kemajuan pembiakan dan pengeluaran biji benih menggunakan *E. oleifera* semasa seminar.

“Walaupun penggunaan *E. oleifera* dalam pengeluaran hibrid interspesifik OxG sebagai bahan penanaman komersil dicadangkan terutamanya untuk menghalang kereputan tunas di Amerika Selatan, pengalaman daripada rakan sejawat kami di Amerika Selatan dikongsi melalui beberapa pembiak baka sawit dan pakar terkemuka, khususnya mengenai potensi bahan penanaman ini, tidak hanya mengenai rintangan penyakit tetapi termasuk ciri-ciri agronomi yang bermanfaat seperti kenaikan ketinggian yang perlahan dan pemangkasan lewat dan cabaran dalam pembiakan ciri-ciri yang tidak diingini yang berkaitan seperti kandungan minyak yang rendah dalam tandan. Pembiak baka sawit di seluruh dunia kagum dengan potensi yang boleh ditawarkan oleh hibrid interspesifik. Justeru, kami menantikan

perkongsian mereka,” kata Ketua Pengarah MPOB Datuk Dr. Ahmad Parveez Hj Ghulam Kadir dalam ucapan alu-aluannya di seminar itu.

Menurut Datuk Dr. Ahmad Parveez, seminar itu menyediakan platform kepada pembiak baka sawit di seluruh dunia untuk berkongsi pengalaman mereka bagi matlamat bersama membaiki tanaman serta membina hubungan dalam kalangan pembiak baka sawit dan saintis minyak sawit.

Unit Komunikasi Korporat (CCU)

Lembaga Minyak Sawit Malaysia (MPOB)